


冊府元龜

七百六十五之七

三百三十



三〇〇	二	五三四	漢書門類
冊	架	函	號

三〇〇	二	五三四	漢書門類
冊	架	函	號

內閣文庫	
番號	漢 5345
冊數	300 (230)
函號	365 6



册府元龜

淺草文庫

淮南李嗣京叅閱

西極文翔鳳訂正

豫章黃國琦較釋

總錄部 一十五

攀附

易曰雲從龍風從虎斯言感召之至自然之理也而况王者膺命歷臨區寓故宜心膂之臣股肱之士伸協贊之力成經綸之功也乃有靈感先兆心期默契或効謀於幕中或宣力於麾下或一言而脗合或千

册府元龜 總錄

卷之三十一

里以相從或思紀而見升或材智而授任並皆歷險
阻建功名大則受封於土茅次則策名於簪笏書之
信史傳於永世自非誠明夙著期運冥合豈富貴之
可求者哉

漢張良字子房其先韓人亡匿下邳秦末陳涉等起
良亦聚少年百餘人景駒自立為楚假王在留良欲
往從之行道遇沛公沛公將數千人畧地下邳遂屬
焉沛公拜良為廐將也良數以太公兵法說沛公沛
公喜常用其策為他人言皆不省也良曰沛公死
天授也 殆近也 故遂從不

張蒼陽武人秦時為御史立柱下方書柱下居殿柱

立御有罪亡歸及沛公畧地過陽武蒼以客從攻南

陽西入武關至咸陽沛公立為漢王入漢中還定三

秦陳餘擊走常山王張耳耳歸漢漢以蒼為常山守

周昌沛人其從兄苛音何秦時皆為泗水卒史及高祖

起沛後破泗水守監於是苛昌以卒史徙沛公沛以

昌為職志主旗志也志焉苛為客張晏曰為帳下

陸賈楚人以客徙高祖定天下各有口辯居左右常

使諸侯後為大中大夫

叔孫通薛人秦時為博士亡去之薛事項主漢二年



漢王從五諸侯入彭城通降漢王通儒服漢王僧乃
變其服短衣楚製製謂裁衣之形製漢王喜通之降漢拜

通為博士

石奮其父趙人趙亡徙溫河內之縣高祖東擊項過河內

時奮年十五為小吏侍高祖高祖與語愛其恭敬問

曰若何有若汝也對曰有母不幸失明家貧有姊能

鼓瑟高祖曰若能從我乎曰願盡力於是高祖召其

姊為美人以奮為中涓受書謁中涓官名主居中而滄滌者外有書謁令

有受徙其家長安中戚里

後漢王常潁川壽陽人王莽未與成丹張卬入南郡

藍曰號下江兵與荊州牧戰於上唐遂北至宜秋上唐

卿名在今隨州來陽縣東北宜秋聚名曰南郡是時漢兵與新市平林衆俱

敗於小長安各欲解去光武兄伯升聞下江軍在宜

秋即與光武及李通俱造常王曰願見下江一賢將

議大事成丹張卬共推遣常伯升見常說以合從之

利常大悟曰王莽篡殺殘害天下百姓思漢故豪傑

並起今劉氏復興即真主也誠思出身為用輔成大

功伯升曰如事成豈敢獨饗之哉遂與常深相結而

去常還具為丹卬言之丹卬負其衆皆曰大丈夫既

起當各自為主何故受人制乎常心獨歸漢乃稍曉



說其將帥曰往者成哀哀微无嗣故王莽得承間篡位既有天下而政令苛酷積失百姓之心民之謳吟思漢非一日也故使吾屬因此時起夫民所怨者天所去也民所思者天所與也舉大事必當下順民心上合天意功乃可成若負強恃勇合情恣欲雖得天下必復失之以秦項之勢尚至夷覆况令布衣相聚草澤以此行之滅亡之道也今南陽諸劉舉宗起兵觀其來言事者皆有深計大慮王公之才與之并合必成大功此天所以祐吾屬也下江諸將雖屈強少識然素敬常乃皆謝曰無王將軍吾屬幾陷於不義

願敬受教即引兵與漢軍及新市平林合於是諸部齊心同力銳氣益壯遂俱進破殺甄阜梁丘賜及諸將議立宗室唯常與南陽士大夫同意欲立伯升而朱鮪張卬等不聽乃立更始焉

丁綝王莽末守潁陽尉光武畧地潁陽潁陽城守不下綝說其宰遂與俱降光武大喜厚加賞勞

范升王莽末爲大司空王邑議曹史稱病乞身邑不聽令乘傳使上黨外遂與漢兵會因留不還建武二年光武徵詣懷宮拜議郎

彭寵更史時行漁陽太守事漢安樂令及光武鎮慰

河北至薊以書招寵寵具牛酒將上謁會王郎詐立傳檄燕趙遣將徇漁陽上谷急發其兵北州衆多疑惑欲從之吳漢說寵從光武會上谷太守耿况亦使功曹寇恂詣寵結謀共歸光武寵乃發步騎三千人以吳漢行長史及都尉嚴宣護軍蓋延狐奴令王梁與上谷軍合而南及光武於廣阿光武承制封寵建忠侯賜號大將軍

魏荀彧潁川潁陰人漢末袁紹領冀州待以上賓之禮彧弟謀及同郡辛評郭圖皆爲紹所任或度紹終不能成大事時太祖爲奮武將軍在東郡獻帝初平

二年彧去紹從太祖太祖大悅曰吾之子房也以爲司馬時年二十九後至尚書令參太祖丞相軍事荀攸字公達漢末以蜀漢險固人民殷盛乃求爲蜀郡太守道絕不得至駐荊州太祖迎漢帝都許遣攸書曰方今天下大亂智士勞心之時也而顧觀變蜀漢不已久乎於是微攸爲汝南太守入爲尚書太祖素聞攸名與語大悅謂荀彧鍾繇曰公達非常人也吾得與之計事天下當何憂哉以爲將帥

程昱東郡東阿人初平中兗州刺史劉岱辟之不應後表昱爲騎都尉昱辭以疾劉岱爲黃中所殺太祖

臨兖州辟昱昱將行其鄉人謂曰何前後之相背也
昱笑而不應太祖與語說之以昱守壽張令

任俊字伯達河南中牟人太祖起關東八牟界衆不
知所從俊獨與同郡張奮議舉郡以歸太祖俊又別
牧宗族及賓客家兵數百人願從太祖太祖大悅表
俊爲騎都尉妻以從妹甚見親信

劉馥字元穎沛國相人避亂揚州漢建安初說表術
將威寄秦刼使率衆與俱詣太祖太祖悅之司徒爲
辟掾後至衛尉

趙儼穎川陽翟人漢末避亂荊州太祖爲鎮東將軍

始迎獻帝都許儼謂繁欽曰曹鎮東應期命世必能
匡濟華夏吾知歸矣建安二年年二十七遂扶持老
弱詣太祖太祖以儼爲朗陵長

衛茲陳人建安中太祖到陳留與茲相見遂同盟計
興武事茲答曰亂生久矣非兵無以整之且言兵之
興者自今始矣深見廢興首讚弘謀後從太祖之榮
陽戰歿

邢顒字子昂河建鄭人漢末舉孝廉司徒辟皆不就
易姓字適右北平從田疇游積五年而太祖定冀州
顒謂疇曰黃巾起來二十餘年海內鼎沸百姓流離

今聞曹公法令嚴民厭亂矣極則平請以身先遂裝還鄉里田疇曰邢顒民之先覺也乃見太祖求爲卿道以克柳城太祖辟顒爲冀州從事

周昕漢末爲丹陽太守太祖起義兵昕前後遣兵萬餘人以助征伐袁術之在淮南也昕惡其淫虐絕不與通

郭嘉字奉孝潁川陽翟人尚書令荀彧薦之於太祖太祖召見論天下事太祖曰使孤成大業者必此人也嘉出亦喜曰真吾主也後至軍祭酒洧陽亭侯王朗爲會稽太守爲孫策所執後太祖表徵之朗自

曲阿展轉江海積年乃至拜諫議大夫參司空軍事華歆漢末爲豫章太守爲孫策所執後策死太祖在官渡表天子徵歆孫權欲不遣歆謂權曰將軍奉王命始交好曹公分義未固使僕得爲將軍效心豈不有益乎今空留僕是爲養無用之物非將軍之良計也權悅乃遣歆後至太尉

朱靈漢末爲袁紹將太祖之征陶謙詔使靈督三營助太祖戰有功紹所遣諸將各罷歸靈曰靈觀人多矣無若曹公者此乃真明主也今已遇復何之遂留不去所將士卒慕之皆隨靈後靈後遂爲好將名亞

徐晃等位至後將軍封高唐亭侯

臧霸漢末爲琅邪相太祖破袁譚於南皮霸既會賀因求遣子弟及諸將父兄家屬詣鄴太祖曰諸君忠孝豈復任是昔蕭何遣子弟入侍而高祖不拒耿純焚室輿觀以從光武不逆吾將何以易之哉後至執金吾位特進

李典漢末爲捕虜將軍封都亭侯典宗族部曲三千餘家居乘氏自請願徙詣魏郡太祖笑曰卿欲慕耿純邪典謝曰典駑下功微而爵寵過厚誠宜舉宗陳力加以征伐未息宜實郊遂之內以制四方非慕純

也遂徙部曲宗族萬三千餘口居鄴太祖嘉之迂破虜將軍

劉放涿郡人漢末遭世大亂時漁陽王松據其土放往依之太祖討袁譚於南皮以書招松松舉雍奴泉州安次以附之放爲松荅太祖書其文甚麗太祖旣善之文聞其說由是遂辟放建安十年與松俱至太祖大悅謂放曰昔班彪依竇融而有河西之功令一何相似也乃以放叅司空軍事

閻柔廣陽人少沒烏桓鮮卑中爲其種人所歸信柔乃因鮮卑衆殺烏桓較尉刑舉而代之袁紹因寵尉

柔以安北邊及紹子尚敗奔蹋頓時幽冀吏人奔鳥桓者十萬餘戶尚欲憑其兵力復圖中國會太祖平河北柔率鮮卑烏桓歸附即以柔為校尉

衛覬為侍中與王粲並典制度文帝即王位徙為尚書頃之還漢朝為侍郎勸贊禪代之義為文誥之詔文帝踐祚復為尚書封陽吉亭侯

蜀簡雍字憲和涿郡人少與先主有舊隨從周旋先主至荊州雍與麋竹孫乾同為從事中郎常為談客往來使命

麋竺東海朐人漢末徐州牧陶謙辟為別駕從事謙

卒竺奉謙遺命迎先主於小沛漢建安元年呂布乘先主之出拒袁術襲下邳虜先主妻子先主轉軍廣陵海西竺於是進妹於先主為夫人奴客二千金銀貨幣以助軍資于時困匱賴此復振魏太祖表竺領羸郡太守竺弟芳為彭城相皆去官隨先主周族先主將適荊州遣竺先與劉表相聞以竺為左軍將軍從事中郎益州即平拜為安漢將軍班在軍師將軍之右竺雍容敦雅而翰翮非所長是以待之上賓之禮未嘗有所統御然賞賜優寵無與為比

霍峻字仲邈南郡枝江人也兄篤於鄉里合部曲數

百人篤率荆州牧劉表全峻攝其衆表卒峻率衆歸
先主先主以峻爲中郎將

廖化襄陽人前爲關羽主簿羽敗屬吳思歸先主乃
詐死時人謂爲信然因攜持老母晝夜西行會先主
東征遇於秭歸先主大悅以化爲宜都太守

向朗字巨達襄陽宜城人荆州牧劉表以爲臨沮長
表卒歸先主定江南使朗督秭歸夷道巫山夷陵四
縣軍民事蜀既平以朗爲巴西太守

伊籍字機伯山陽人少依邑人鎮南將軍劉表先主
之在荆州籍嘗往來自託表卒遂隨先主南渡江從

入益州見待亞於簡雍孫乾後至昭文將軍

李恢建寧人仕郡督郵太守董和貢恢於州涉道未
至聞先主自薛萌還攻劉璋恢知璋之必敗先主必
成也乃託名郡使北詣先主遇於綿竹先主嘉之後
至安漢將軍

何宗蜀郡人先主定益州四郡爲從事祭酒後援圖
讖勸先主即尊號踐祚之後遷爲大鴻臚

吳董襲會稽人孫策入郡襲迎於高遷亭策見而偉
之引署門下賊曹後至福將軍

胡綜字偉則汝南固始人少孤母將避難江東孫策

領會稽太守綜年十四爲門下循行留吳與大帝共讀書策薨大帝爲討虜將軍以綜爲金曹從事從討黃祖拜鄂長大帝爲車騎將軍都京口召綜還爲書部與是儀徐祥俱典軍國密事
呂範避亂壽春孫策見而異之範遂自委昵將私密百人歸策時太妃在江都策遣範迎之徐州牧陶謙謂範爲袁氏覘候諷縣掠考範範親客健兒篡取以歸時唯範與孫河嘗從策跋涉辛苦危難不避策亦親戚待之每與升堂飲宴於太妃前後遷大司馬印綬未下卒

張紘字子綱避難江東孫策創業遂委質焉表爲正義校尉

陳武字子烈廬江松滋人孫策在壽春武往修謁因從渡江征討有功拜部司馬

朱治既勸孫策還平江東後遷吳郡都尉是時吳景已在丹陽而孫策爲袁術攻廬江於是劉繇恐爲袁孫所并遂構嫌隙而策家門盡在州下治乃使人於曲阿迎太妃及大帝兄弟所以供奉輔護甚有恩紀後至安國將軍金印紫綬

吳範字文則會稽上虞人舉有道詣京都世亂不行

會大帝起於東南範委身服事每有災祥輒推數言狀其術多效遂以顯名後爲騎都尉領太史令封都亭侯

晉裴秀爲尚書僕射初文帝未定嗣而屬意舞陽侯攸武帝懼不得立問秀曰人有相否因以奇表示之秀後言於文帝曰中撫軍人望旣茂天表如此固非人臣之相也由是世子乃定陸曄吳郡吳人察孝廉除永世烏江二縣令皆不就元帝初鎮江左辟爲祭酒

顧榮吳國吳人永嘉初徵拜侍中行至彭城見禍難

方作遂輕舟而還元帝鎮江東以榮爲軍師加散騎常侍凡所謀畫皆以諮焉榮旣南州望士躬處右職朝野甚推敬之

紀瞻爲元帝丞相軍諮祭酒及長安不守與王導俱入勸進帝不許使殿中將軍韓績徵去御坐瞻叱績曰帝座上應星宿敢有動者斬帝爲之改容帝踐位拜侍中

何無忌爲太學博士與宋高祖素相親結高祖東征孫恩無忌密至軍所潛謀舉義勸高祖於山陰起兵高祖以桓玄大逆未彰恐在遠舉事尅濟爲難若玄

遂竊天位然後於京口圖之事未晚也無忌乃還及
義師之舉叅贊大勳皆以美畧攻取爲效後至鎮南
將軍

魏詠之字長道任城人初爲州主簿與宋高祖遊欵
及桓玄篡位協贊義謀玄敗授建威將軍豫州刺史
檀憑之高平人爲桓修長流叅軍領東莞太守加寧
遠將軍與宋高祖有州閭之舊又數同東討情好甚
密義旗之建憑之與劉毅俱以私難墨經而赴憑之
雖才望居毅之後而官次及聲過之高祖以爲建
武將軍

宋劉敬宣晉末爲後將軍元顯從事中郎隆安五年
孫恩入浹口高祖戍句章賊頻攻不能拔敬宣請往
爲援賊恩於是退還入海是時四方雲擾朝廷微弱
敬宣每慮艱難未已高祖旣累破妖賊功名日盛故
敬宣深相憑結情好甚隆元興元年與父牢之同謀
襲桓玄不克牢之死敬宣渡江奔洛陽往來長安三
年歸至淮泗間會高祖平京口手書召敬宣左右疑
其詐敬宣曰吾固知其然矣下邳不誘我也即便馳
還旣至京師以敬宣爲輔國將軍晉陽太守襲封武
岡縣男後爲江州刺史爲劉毅所惡自表解職高祖

數引與遊宴恩款周洽所賜錢帛車馬及器服玩好莫與比焉後至右將軍

孔季恭會稽山陰人高祖東征孫恩屢至會稽季恭曲意禮接贍給甚厚後至光祿大夫開封儀同三司張邵父敞桓玄篡位時爲廷尉卿及高祖討玄邵白敞表獻誠款帝大悅命署其門曰有犯廷尉者以軍法論後以敞爲吳郡太守邵爲揚州主簿時劉毅爲亞相愛才好士當世莫不輻奏獨邵不往或問之曰主公命世人傑何煩多問劉穆之聞以白帝帝益親之後至征虜將軍雍州刺史

劉簡之有志幹爲高祖所知高祖將謀復興收集才勇之士嘗再造簡之值有賓客簡之悟其意謂弟虔之曰劉下邳再來必當有意旣不得其語汝可試往見之旣至高祖已克京師虔之即便投義簡之聞之殺耕牛會聚徒衆率以赴高祖後歷官至通直嘗侍小府太尉諮議參軍

朱超石爲何無忌輔國右軍參軍事徐道覆破無忌得超石以爲參軍至石頭超石說其同舟人乘單舸走歸高祖高祖甚嘉之以爲徐州主簿
傳亮晉末爲中書黃門侍郎直西省高祖以久直勤

勞欲以為東陽郡先以語兄迪迪大喜告亮亮不答
即馳見高祖曰伏聞恩旨賜擬東陽家貧忝祿私計
為幸但憑廢之願實結本心乞歸天宇不樂外出高
祖笑曰謂卿之湏祿耳若能如此甚所望也後至左
光祿大夫開府儀同三司

向靖世居京口與高祖少舊從平京城叅建武軍事
進平京邑板參政軍軍事
謝晦為高祖從事中郎從政征司馬休之時徐達之
戰敗見殺高祖怒將自被甲登岸諸將諫不從怒愈
甚晦前抱持高祖高祖曰我斬卿晦曰天下可無晦

不可無公晦死何有會胡蕃已得登岸賊敗退走乃
止宋臺建為右衛將軍

王曇首為瑯邪王大司馬屬從府公修復洛陽園陵
與從弟球俱詣高祖時謝晦在坐高祖曰此君並膏
梁盛德乃能屈志戎旅曇首荅曰既從神武之師自
使懦夫有立志晦曰仁者果有勇高祖悅後至撫軍
將軍荊州刺史

南齊崔慧景初仕宋為長水校尉寧朔將軍太祖在
淮陰慧景與宗人祖思同時自結太祖欲北渡廣陵
使慧景具舡於陶家後諸事雖不遂以此見親後為



褚淵初仕宋爲丹陽尹與從弟焯同載出道逢太祖淵舉手指太祖車謂焯曰此非嘗人也出爲吳興太祖餉物別淵又謂之曰此人才貌非嘗將來不可測也及頽命之際引太祖豫焉後沈攸之事起淵時爲衛將軍太祖召淵謀議淵曰西夏釁難事必無成公當先備其內耳太祖密爲其備事平進中書監司空劉善明初仕宋爲寧朔將軍時幼主初立群公秉政善明獨結事太祖委身歸誠後至征虜將軍淮南宣城二郡太守

李安民仕宋爲征虜將軍東中郎司馬行會稽郡事安民將東太祖與別晏語淹留日夜安民密陳宋運將盡曆數有歸蒼梧縱電太祖憂迫無計民白太祖欲於東峯江夏王躋起兵太祖不許乃止蒼梧廢太祖徵安民使持節督北討軍事冠軍將軍及南兖州刺史沈攸之反太祖召安民以本官鎮白下治城隍加征虜將軍進西討又進前將軍行至益城沈攸之平仍授督郢州司州之義陽諸軍事郢州刺史持節將軍如故

蘇侃初仕宋爲積射將軍遇太祖在淮上便自委結

太祖鎮淮陰以侃詳密取爲冠軍錄事參軍

崔祖思河東武城人初太祖在淮陰祖思聞風自結爲上輔國主簿甚見親待參豫謀議宋朝初議封太祖爲梁公祖思啟太祖曰識書云金刀利刃齊刈之今宜稱齊實應天命從之轉爲相國從事中郎垣崇祖初仕宋爲東海太守遇太祖於淮陰太祖以其武勇待之崇祖謂皇甫肅曰此真吾君也吾今逢主矣所謂千載一時遂密布誠節後至五兵尚書領驍騎將軍

劉懷慰宋末爲駕部郎懷慰宗從善明等爲太祖心

腹以懷慰與沈攸之有舊令爲戒喻攸之太祖省之稱善後至安陸王北中郎將司馬

張瓌父永仕宋爲光祿大夫拒桂陽賊於白下潰散阮伊夫等欲加罪太祖固申明之瓌由此感恩自結轉通直散騎常侍驍騎將軍遭父喪還吳持服昇明元年劉秉有異圖第退爲吳郡潛相影響因沈攸之事聚衆三千治攻具太祖密遣殿中將軍卞白龍令瓌取遐諸張世有豪氣瓌宅中常有父時舊部曲數百遐召瓌偽授旨與叔恕領兵十八人入郡與房郡隊主疆弩將軍郭羅雲進中齋取遐遐踰窻而走瓌

部曲願憲子手斬之郡內莫敢動者獻捷太祖以告
領軍張冲冲曰瓌以百口一擲出手得盧矣即授輔
國將軍吳郡太守封瓌義成縣侯邑千戶太祖故以
嘉名錫之

荀伯玉字弄璋賣卜自業建平王景素聞而招之伯
玉不往太祖鎮淮陰伯玉歸身結事為太祖冠軍刑
獄參軍後至散騎常侍
王玄載仕宋為征虜將軍建寧太守沈攸之難玄載
起義送誠太祖進號後軍將軍封鄂縣子
劉俊仕宋為長沙內使行湘州事未發太祖霸業初

建俊先致誠節沈攸之事起加輔國將軍
紀僧真為太祖參軍及太祖拜齊公巳尅日有揚祖
之謀於臨軒作難僧真請帝更選吉辰尋而祖之事
覺帝曰無卿言亦當致小狼狽亦何異滹沱之冰轉
齊國中書舍人

梁劉懷珍目宋世齊高帝為舍人懷珍為直閣相遇
卑舊懷珍假還青州高帝有白驄馬齧人不可騎送
與懷珍別懷珍報上百疋絹或謂懷珍曰蕭公此馬
不可騎是以與君耳報百疋不亦多乎懷珍曰蕭君
局量堂堂寧應負人此絹吾方欲以身名託之豈計



錢物多少高帝輔政懷珍內資未多徵爲都官尚書
領前軍將軍以弟四子晃代爲豫州刺史或疑懷珍
不受代高帝曰我布衣時懷珍便推懷投款况在今
日寧當有異晃發經曰疑論不止帝乃遣軍主房靈
民領百騎進送晃謂靈民曰議者謂懷珍必有異同
我期之有素必不應耳卿是其鄉里故遣卿行非惟
衛新亦以迎故也懷珍還仍授相國右司馬及齊臺
建朝士人人爭爲臣吏以懷珍爲宋臺右衛懷珍謂
帝曰人皆迎新臣獨送故豈以臣篤於本乎
陰智伯與高祖隣居少相友善嘗出入高祖卧內見

有異氣成五色因握帝手曰公後必大貴非人臣也
天下方亂安蒼生者在君乎帝曰幸勿多言於是情
好轉密帝每有求索如外府焉及帝踐祚官至梁秦
二州刺史

沈瑀仕齊爲選曹郎隨陳伯之軍至江州會義師圍
郢城瑀說伯之迎高祖伯之泣曰余子在都不待出
城不能不愛之瑀曰不然人情徇徇皆思改計若不
早圖衆散難合伯之遂舉衆降瑀從在高祖軍中
伏挺齊未舉秀才對策第一高祖義師至挺迎謁於
新林高祖見之甚悅謂曰顏子引爲征東行參軍時

年十八

席闡文仕齊爲雍州刺史蕭赤斧中兵參軍由是與其子頴胃善復歷西中郎中兵參軍領城局高祖之將起義也闡文勸頴胃同焉仍遣田祖恭私報帝并獻銀裝刀帝報以金如意

柳惔仕齊爲西戎校尉梁南秦二州刺史及高祖起兵惔舉漢中應義帝踐祚徵爲護軍將軍

范雲仕齊爲國子博士初與高祖遇竟陵王子良又嘗接里閤高祖深器之及義兵至京邑雲時在城內東昏旣亡侍中張稷使雲銜命出城帝因留之便參

帳幄仍拜黃門侍郎與沈約同心褚贊俄迁大司馬諮議參軍領錄事

曹景宗仕齊爲游擊將軍高祖爲雍州刺史景宗深自結附數請帝臨其宅時天下方亂帝亦厚加意焉江淹仕齊爲祕書監副領軍王瑩及義師至新林淹微服來奔高祖拔爲冠軍將軍祕書監如故康絢仕齊爲華州太守高祖起兵絢舉郡以應天監元年封南陽縣男

昌義之仕齊爲馮翊戍主高祖爲雍州義之因事高祖高祖亦厚遇之及起兵拔爲輔國將軍每戰必捷

天監元年封永豐侯

帝獻仕齊爲上庸太守加建成將軍俄而太尉陳顯達護軍將軍崔惠景頻逼京師民心惶駭未有所定西土人謀之於獻獻曰陳雖舊將非命世才崔頗更事懦而不武其取赤族也宜哉天下真人殆興於吾州矣乃遣其二子自結於高祖義兵檄至獻率郡人伐竹爲筏倍道來赴有衆二千馬二百疋高祖見獻甚悅拊几曰他日見君之面今日見君之心吾事就矣

江革仕齊爲駕部郎中高祖入石頭時吳興太守袁

昂據郡拒義乃使革製書與昂於坐立成辭義典雅

高祖深賞歎之因令與徐勉同學掌書記

范縝仕齊爲宜都太守母憂去職歸居於南州義軍

至真墨經來迎高祖與縝有西邸之舊見之甚悅

徐勉初與長沙宣武王遊高祖深器賞之及義兵至

京邑勉於新林謁見高祖甚加恩禮使管書記及踐

祚拜中書侍郎

蕭穎孚齊西中郎府叅軍穎達之弟也高祖舉義師

穎孚自京師出亡廬陵循景智潛引南歸至廬陵景

智及宗人靈祐爲起兵得數百人屯西昌藥山湖穎

達聞之假穎孚節督廬豫章臨川南康安成五郡軍
事冠軍將軍時廬陵內史穎孚率靈祐等進據西昌
東昏遣安西太守劉希祖自南江入湖拒之穎孚不
能自立以其兵繇建安復奔長沙希祖遣之穎孚綠
山踰嶂僅而獲兇在道絕糧後因食過飽而卒高祖
受禪贈穎孚左衛將軍

馮道根字巨基湘陽人也初以母喪在家聞高祖舉
義兵道根謂所親曰金革奪禮古人不避揚名後代
可謂孝矣因率鄉人歸高祖累迁左衛上將軍

陳吳明徹秦郡人高祖鎮京口深相要結明徹乃詣

高祖高祖為之降階執手即席與論當世之務後為
侍中司空

沈恪仕梁為散騎侍郎時侯景作亂恪率兵援京城
及京城陷恪間行歸鄉里高祖之討侯景遣使報恪
乃於江東起兵相應賊平恪謁高祖於京口即日授
都軍副尋為府司馬

淳于量仕梁為桂州刺史荆州陷量保據桂州王琳
擁割湘鄧累遣召量量外雖與琳往來而別遣使從
間道歸於高祖受禪授持節散騎常侍平西大將軍
給鼓吹一部都督刺史如故



備昂任梁爲王僧辨大司馬從事中書侍郎高祖在
南徐州昂望氣知其當王遂寄孥焉因謂帝曰明年
有大臣誅死後四代梁其待終天之曆數當歸舜後
昔周滅殷氏封媯汭于苑丘其裔子孫因爲陳氏僕
觀明公天縱神武繼絕統者無乃是乎時帝陰有圖
僧辯意聞其言大喜因而定策及受禪拜黃門侍郎
杜稜吳郡錢塘人也初游嶺南事梁廣州刺史新渝
侯蕭映映卒從高祖常典書記侯景之亂命稜將領
平蔡路養李遷仕皆有功後爲侍中右光祿大夫
謝哲仕梁爲廣陵太守侯景之亂以母老因寓居廣

陵高祖自京口渡江應接郭元建哲乃委質深被敬
重帝爲徐州刺史表哲爲長史帝受禪遷都官尚書
豫州大中正吏部尚書

後魏穆崇機捷便辟道武之居獨孤部崇嘗往來奉
給時人無有及者後至太尉宜都公

長孫肥代人道武之在獨孤及賀蘭部肥嘗侍從禦
侮左右道武深信仗之登國初與莫題等俱爲大將
軍後至衛尉

叔孫建少以智勇著稱道武之辛賀蘭部建嘗從左
右登國初以建爲外朝大人與安同等十三人送典

庶事叅軍國之謀後至征南大將軍

羅結代人其先世領部落爲國附臣劉顯之謀逆也道武忌之結翼衛鑾輿從辛賀蘭部後至長秋卿

張恂叅道武代王軍事言於道武宜建大業帝深器異厚加禮焉皇始初拜中書侍郎帷幄密謀頗領以叅預

張袞純厚篤實好學有文才道武爲代王袞常叅大謀決策帷幄道武噐之禮遇優厚袞每告人曰昔樂毅杖策於燕昭公達委身於魏武蓋命世難可及千載不易遇主上天姿傑邁逸志凌霄必能囊括六合

混一四海夫遭風雲之會不建騰躍之功者非人豪也遂策名委質竭誠伏事後至奮武將軍幽州刺史北齊高隆之初仕後魏爲給事中與高祖深自結託高祖之臨晉州引爲治中行平陽郡事從高祖起義山東以爲大行臺右封隆之仕後魏爲尚書右僕射自義旗始建首叅經畧竒謀妙筭密以啟聞手書削藁罕知於外高祖嘉其忠謹每多從之
崔俊仕魏爲太學博士坐事免歸鄉里高祖於信都起義俊歸焉高祖見之甚悅以爲諮議叅軍
盧文偉仕魏爲范陽太守與高乾邕兄弟共相影響

屬高祖至信都文偉遣子懷道奉啟陽陳誠高祖嘉納之除安東將軍安州刺史

李元忠仕魏爲趙郡太守值洛陽傾覆元忠棄官還家潛圖義舉會高祖率衆東出便自往奉迎乘露車載素箏濁酒以見高祖因進縱橫之策備陳誠款深見嘉納時刺史爾朱羽生阻兵據州元忠先聚衆於西山仍與大軍相合擒斬羽生即令行殷州事後加征南將軍武帝將納後郎高祖之長女也詔元忠與尚書令元羅致聘於晉陽高祖每於宴席論叙舊事因撫掌欣笑云此人逼我起兵賜白馬一疋元忠戲

謂高祖曰若不遇侍中當更覓建義處高祖荅之曰建義處不慮無止畏如此老翁不可遇耳元忠曰止爲此翁難遇所以不去因將高祖鬚而大笑高祖亦悉其雅義深加重焉

李景遺少雄武有膽力以任俠名聞及高祖舉義於信都景遺赴於軍門高祖素聞其名接之甚厚命與李元忠舉兵於西山仍與大軍俱擒刺史爾朱羽生以功除龍驤將軍

李愨仕魏爲樂平太守未之郡洛京傾覆愨率所部西保石門山潛與幽州刺史劉靈助及高昂兄弟安

州刺史盧曹等同契義舉助敗愍遂入西山高祖建
 義以書招愍愍奉書擁衆數千人以赴高祖高祖親
 迎之除使持節征南將軍都督湘州諸軍事湘州刺
 史兼尚書西南道行臺大都督
 堯及仕魏爲滄州刺史屬義兵歸高祖從平鄴及破
 爾朱兆進爵爲侯
 薛嘉族仕魏正平太守屬高祖住信都嘉族聞而赴
 義從平四胡於韓陵除華州刺史及賀拔岳拒命令
 嘉族督騎河上以禦大軍嘉族遂棄其乘馬浮河而
 渡歸於高祖由是拜揚州刺史

高慎仕魏爲光州刺史及兄韓死密弃州將歸高祖
 魏孝武帝勅青州斷其歸路慎間行至晉陽高祖以
 爲大行臺左丞
 任延敬仕魏爲廣寧太守從高祖建義累遷光祿大
 夫及斛斯椿讞發延敬棄官北走至河北郡因率土
 民據之以待高祖
 薛循義仕魏爲弘農河北河東正平四郡大都督時
 高祖爲晉州刺史見循義待之甚厚後爲南汾州刺
 史高祖起義信都破四胡於韓陵遣徵循義從至晉
 陽以循義行并州事

段長遼西人仕魏為懷朔鎮將軍見高祖甚異之謂高祖云君有匡世之才終不徒然也請以子孫為託東魏孝靜興和高祖啟贈司空辟子寧相府從事郎中

劉貴初為爾朱榮騎兵參軍累遷行汾州事高祖起義貴棄城歸高祖於鄴

蔡雋字景彥廣寧石門人高祖微時深相親附高祖舉義為都督高祖平鄴及破四胡於韓陵雋並有戰功後為濟州刺史西魏武帝言於高祖以濟州要衝欲令腹心據之陰詔御史構雋罪狀欲以汝陽王代

雋由是轉行交州事高祖以雋非罪啟復其任武帝不許除賈顯智為刺史率眾赴州雋防守嚴備顯智憚之至東郡不敢前

龐蒼鷹大原人交遊豪俠厚待賓旅居於州城高祖客其舍蒼鷹知高祖有霸王之量每私加敬割其宅半以奉高祖由此遂蒙親識高祖之牧晉州引為兼治中從事史行義寧郡事及義旗建蒼鷹乃棄家間行歸高祖以為兼臺倉部郎中

庫狄迴代洛人初事爾朱榮為統軍榮死隸尔朱兆高祖舉兵信都迴洛擁眾歸義從破四胡於韓陵以



軍功補都督加後軍將軍

婁昭高祖少親重之昭亦早知人嘗曲盡禮敬數隨高祖獵每致請不宜乘危歷險高祖將出信都昭贊成大業後至司徒出為定州刺史

司馬子如雲中人少機警有口辯好交遊豪傑與高祖相結託分義甚深復為南陵州刺史高祖入洛子如遣使啟賀仍叙平生舊恩尋追赴京師以為大行臺尚書朝夕左右叅知軍國

破六韓嘗仕魏為平西將軍高祖起義嘗時為附化首與萬侯于東歸高祖高祖嘉之以為撫軍

終

冊府元龜

淮南李嗣京叅閱

西極文翔鳳訂正

豫章黃國琦較釋

總錄部 一十六

攀附第二

後周赫連達初姓杜字朔周魏末從清水公賀拔岳征討有功及岳為侯莫陳悅所害軍中大擾趙貴建議迎太祖諸將猶豫未決達曰宇文夏州昔為左丞明略過人一時之傑今日之事非此公不濟趙將軍

議是也達請輕騎告哀仍迎之諸將或欲南追賀軍勝或云東告朝廷達又曰此皆遠水不救近火何足道哉貴於是謀遂定令達馳往太祖見達慟哭問故達以實對太祖遂以數百騎南赴平涼引軍向高平及悅平加平陳將軍

寇維初從賀拔岳西征萬侯醜奴爲右都督後侯莫平陳悅旣害岳欲并其衆時初喪元帥軍中惶擾維於諸將之中最爲舊齒素爲衆所信乃收集將士志在復讎共相糾合遂全衆而返旣至原州衆咸推維爲盟主統岳之衆維與趙貴等議迎太祖後至侍中

趙善初仕魏爲行臺賀拔岳長史岳爲侯莫陳悅所害善共諸將翊戴太祖乃從平悅

呂思禮爲行臺賀拔岳所重岳爲侯莫陳悅所害趙貴等議遣赫連達迎太祖思禮預其謀及太祖爲關西大都督以思禮爲府長史

梁禦爲鎮西將軍從賀拔岳鎮長安及岳被害禦與諸將同謀翊戴太祖

若于惠爲中堅將軍從賀拔岳西征萬侯醜奴及岳爲侯莫陳悅所害惠與諸將翊戴太祖乃從平悅後至司空

梁臺為假節衛將軍賀拔岳引為心膂岳為侯莫陳悅所害臺與諸將議翊戴太祖從討悅破之後至郿州刺史

庫狄昌初從賀拔岳西征及岳為侯莫陳悅所害昌與諸將議翊太祖從平侯莫陳悅後為東夏州刺史王德字天恩從賀拔岳平隴右為龍驤將軍岳為侯莫陳悅所害德與諸將定議迎太祖從平悅後至涇州刺史

裴果字戎炤仕魏太昌中為陽平郡丞太祖曾使并州與果遇果知非嘗人密託附焉後為眉復州刺史

申徽初仕東魏為大尉府行參軍孝武初徽以雒陽兵難未已遂間行入關見太祖與語奇之薦之於賀拔岳岳亦雅相敬待引為賓客太祖臨夏州以徽為記室參軍兼府主簿文帝察徽沉密有度量每事信委之乃為大行臺郎中

王羆初為後魏車騎大將軍涇州刺史未及之部屬太祖徵兵為勤王之舉請前驅效命遂為大都督鎮華州

田弘初從爾朱天光為都督及太祖統衆弘求謁見乃論世事深被引納即處以爪牙之任太祖嘗以所



册附元記 攀附二 卷之百六十六
著鐵甲賜弘云天下若定還將此甲示孤也後爲少保襄州刺史

梁昕字元明安定烏氏人少温恭見稱州里太祖之迎孝武軍次雍州昕以三輔望族上謁太祖見昕容貌環偉深賞異之卽授右府長流叅軍

周惠達自太祖在魏時卽用爲秦州司馬安輯隴右及太祖爲大都督總管兵起雍復以惠達爲府司馬便委任焉魏孝武詔太祖尚馮翊長公主以惠達爲長史赴維陽奉迎至潼關遇孝武已西卽令惠達先見太祖謂惠達曰昔周之東遷晉鄭是依今乘輿播

越降臨關右吾雖猥當其任而才愧昔人卿宜勦力共成功業以取富貴也對曰惠達官遊有年屬明公一平之運富貴之事非此敢望但願明公威德加於天下惠達得效其尺寸則志願畢矣

王思政自太祖爲魏丞相中軍大將軍思政雖被任委自以非相府之舊每不自安太祖曾在同州與群公宴集出錦罽及雜綾絹數段命諸將樗蒲取之物旣盡太祖又解所服金帶令諸人遍擲曰先得盧者卽與之羣公將遍莫有得者次至思政乃歛容跪坐而自誓曰王思政驕旅歸朝蒙宰相國士之遇方願

盡心效命上報知己若此誠有實令宰相賜之者願
擲卽爲盧若內懷不盡神靈亦當明之使不作也便
當殺身以謝所奉辭氣慷慨一坐盡驚卽拔所佩刀
橫於膝上覽樗蒲拊髀擲之比太祖止之已擲爲盧
矣徐乃拜而受帶自此之後太祖寄賞更深轉驃騎
將軍

柳虬初爲獨孤信開府從事中郎信出鎮隴右因爲
秦州刺史以虬爲二府司馬雖處元僚不綜府事唯
在信左右談論而已因使見太祖被留爲相府記室
追論歸朝功封美陽縣男邑二百戶

隋崔仲方年十五與後周太祖諸子同就學時高祖
亦在其中由是與高祖少相款密後以明經累遷爲
少內史奉使淮南而還高祖爲丞相與仲方相見握
手極懽仲方亦歸心焉其夜上便宜十八事高祖竝
嘉納之又見衆望有歸陰勸高祖應天授命高祖從
之後至太嘗卿信都太守
龐晃仕周爲衛王直侍時高祖出爲隨州刺史路經
襄陽衛王令晃詣高祖晃知高祖非嘗人深自結納
及高祖去官歸京師晃迎見高祖於襄邑高祖甚懽
晃因白高祖曰公相貌非嘗名在圖籙九五之日希

願不忘高祖笑曰何妄言也頃之有一雄雉鳴於庭高祖命晃射之曰中則有賞然富貴之日持以爲驗晃旣射而中高祖撫掌大笑曰此是天意公能感之而中也因以二婢賜之情契甚密晃爲嘗山太守高祖爲定州總管屢相往來俄而高祖轉亳州總管將行意甚不悅晃陰白高祖曰燕代精兵之處今若動衆天下不足圖也高祖握晃手曰時未可也及高祖爲揚州總管奏晃同行旣而高祖爲丞相進晃位開府命督左右甚見親待

定州總管崇知高祖相貌非嘗每自結納高祖甚親待之及爲丞相尉遲迥作亂崇以宗族之故自囚於獄遣使請罪高祖下書慰諭之卽令馳驛入朝嘗置左右

盧賁仕周爲司武上士時高祖爲大司武賁知高祖非嘗人深自推結宣帝嗣位加開府及高祖初被顧托群情未一乃引賁置於左右高祖將之東第百官皆不知所去高祖潛令賁部伍仗衛因召公卿而謂曰欲求富貴者當相隨來往偶語欲有去就賁嚴兵而至衆莫敢動出崇陽門至東宮門者拒不內賁論

之不去瞋目叱之門者遂却既而高祖得入賁嘗典宿衛後至懷州刺史

郎茂仕周爲陳州戶曹屬高祖爲亳州總管見而悅之命掌書記時周武帝爲象經高祖從容謂茂曰人主之所爲也感天地動鬼神而象經多糾法將何以致茂竊歎曰此言豈嘗所及也乃陰自結納高祖亦親禮之後還家爲州主簿高祖爲丞相以書召之言及疇昔甚歡後至尚書左丞晉陽宮畱守

李諤自北齊歸周爲天官都上士諤見高祖有奇表深自結納及高祖爲丞相甚見親待後至治書侍御

史出爲通州刺史

郭榮仕周爲司水大夫少與高祖相親狎情契極歡嘗與高祖夜坐月下因從容謂榮曰吾仰觀玄象俯察人事周歷已盡我其代之榮深自結納未幾高祖總百揆召榮撫其背而笑曰吾言驗矣卽拜相府樂曹參軍後至左光祿大夫

柳裘仕周爲御節大夫宣帝不豫留侍禁中與劉昉韋謏皇甫績同謀引高祖入總萬機高祖固讓不許裘進曰時不可再機不可失今事已終宜早定計天與不取反受其咎如更遷延恐貽後悔高祖從之進

攀附二 位上開府拜內史大夫委以機密

竇榮定仕周為欽飛中大夫其妻則高祖姊安成長公主也高祖少小與之情契甚厚榮定亦知高祖有人君之表尤相推結及高祖作相領左右宮伯使鎮守天臺總統露門內兩廂仗衛嘗宿禁中後拜右武衛大將軍

李禮成仕周為民部中大夫妻竇氏早沒知高祖有非嘗之表遂聘高祖妹為繼室情契甚歡及高祖為丞相進位上大將軍遷司武上大夫委以心膂

陳茂河東猗氏人高祖為隋國公引為寮佐遇待與

李圓通等每令典家事未嘗不稱旨高祖善之後遷

上士委以心膂及受禪拜給事黃門侍郎

長孫平仕周為小司寇高祖龍潛時與平情好款洽

及為丞相思禮彌厚後至太嘗卿判吏部尚書事

李德林仕周為御正下大夫高祖初授顧命令邦國

公楊惠謂德林曰朝廷賜令總文武事經國任重非

群才輔佐無以克成大業今欲與公共事必不得辭

德林聞之甚喜乃答云德林雖庸懦微誠亦有所在

若曲相提攜必望以死奉公高祖大悅即召與語劉

昉鄭譯初矯詔召高祖受顧命輔少主總知內外兵



事諸衛既奉勅竝授高祖節度鄭譯劉昉議欲授高祖冢宰鄭譯自攝大司馬劉昉又求小冢宰高祖私問德林曰欲何以見處德林曰卽宜作大丞相假黃鉞都督內外諸軍事不爾無厭衆心及發喪便卽依此以譯爲相府長史內史上大夫昉但爲相府司馬譯昉由是不平以德林爲丞相府屬加儀同大將軍未幾而三方構亂指授兵略皆與之叅詳後爲內史令

張炤仕周爲儀同高祖爲丞相炤深自推結高祖以其有幹用甚親遇之及受禪拜尚書左丞

趙芬仕周爲東京小宗伯鎮維揚高祖爲丞相尉遲迥與司馬消難陰謀往來芬察知之密白高祖由是深見親委遷東京左僕射

庾季才仕周爲開府儀同三司及高祖爲丞相嘗夜召季才而問曰吾以庸虛受茲顧命天時人事卿以爲何如季才曰天道精微難可意察切以人事卜之符兆已定季才縱言不可公豈復得爲箕穎之事乎高祖默然久之因舉首曰吾今譬猶騎虎誠不得下也因賜雜綵五十疋絹二百段曰愧公此意宜善爲思之後至通直散騎嘗侍均州刺史

于翼仕周為幽州總管高祖為丞相尉遲迥作亂遣人誘翼翼鑠其使送之長安高祖甚悅及高祖受禪翼入朝帝為之降榻握手極歡數日拜為大尉李詢仕周為司衛大將軍高祖為丞相尉遲迥作亂遣韋孝寬擊之以詢為元帥長史委以心膂軍至未橋諸將不一詢密啓高祖請重臣監護高祖遂令高頰監軍與頰同心協力唯詢而已及平尉遲迥進位上柱國改封隴西郡公賜帛千疋段文振仕周為天官都上士從韋孝寬經略淮南俄而尉遲迥作亂時文振老母妻子俱在鄴城迥遣人

誘之文振不顧歸於高祖高祖引為丞相椽領宿衛驃騎

宇文慶仕周為寧州總管高祖為丞相復以行軍總管南征江表師次白帝徵還以勞進位上大將軍高祖與慶有舊甚見親待令督丞相軍事委以心腹尋加柱國開皇初拜左武衛將軍進位上柱國數年出除原州總管歲餘徵還不任以職初帝龍潛時嘗從容與慶言及天下事帝謂慶曰天元實無積德臣欽若等日天元後周宣帝尊號視其相貌壽亦不長加以法令繁苛耽恣聲色以吾觀之殆將不久又復諸侯微弱各令就

國曾無深根固本之計羽翮旣翦何能及遠哉尉遲
迥貴戚早著聲望國家有釁必爲亂階然智量庸淺
子弟輕佻貪而少惠終致亡滅司馬消難反覆之虜
亦非池內之物變在俄頃但輕薄無謀未能爲害不
過自竄江南耳庸蜀險隘易生難阻王謙愚蠢素無
壽略但恐爲人所誤不足爲虞未幾上言皆驗及此
慶恐帝遺忘不復收用欲見舊恩顧具錄前言爲奏
而奏之曰臣聞知侔造化二儀無以隱其靈明同日
月萬象不能藏其狀先天弗違實聖人之體道未萌
見兆就達節之神祇伏惟陛下特挺生知徇齊誕御

懷五岳而猶輕吞八荒而不梗蘊妙見於胸襟運奇
謨於掌握臣以微賤早逢天睠不以庸下親蒙推赤
所奉成規繼毫弗舛尋惟聖慮妙出蒼龜驗一人之
慶有徵實天子之言無戲臣親聞親見實榮實喜帝
省表大悅下詔曰朕之與公本來親密懷抱委曲無
所不盡話言歲久尚能記憶今覽表奏方悟昔談何
謂此言遂成實錄古人之先知禍福明可信也朕言
之驗自是偶然公乃不忘彌表誠節深感至意嘉尚
無已自是帝每加優禮

楊素仕周爲車騎大將軍及高祖爲丞相素深自結

冊附二 卷之七十一
納高祖甚器之以素爲汴州刺史

元景山仕周爲亳州總管高祖爲丞相尉遲迥稱兵作亂榮州刺史宇文胄與迥通謀陰以書諷景山景山執其使封書詣相府高祖甚嘉之進位上大將軍李穆仕周爲大佐輔總管高祖作相尉遲迥之亂也遣使招穆穆鏢其使上其書穆子其榮以穆所居天下精兵都處陰勸穆反穆深拒之乃奉十三環金帶於高祖蓋天子之服也李渾穆第十子仕周爲左侍上士尉遲迥反於鄴時穆在并州高祖慮其爲迥所誘遣渾乘驛往布腹心穆遽令渾入京奉鬩斗於高

祖曰願執威柄以尉安天下也高祖大悅又遣渾詣韋孝寬所而述穆意焉

柳昂仕周爲大內史致位開府高祖爲丞相深自結納高祖大悅之以爲大宗伯昂受拜之日遂得偏風不能視事高祖受禪昂疾愈加上開府拜潞州刺史李安字玄德高祖作相引之左右遷職方中大夫復拜安弟哲爲儀同安叔父梁州刺史璋時在京師與周趙王謀害高祖誘哲爲內應哲謂安曰隨之則不忠言之則不義失忠與義何以立身安曰丞相父也其可背之遂陰白之及趙王等伏誅將加官賞安頓

首而言曰兄弟無汗馬之勞過蒙獎擢合門竭節無以酬謝不意叔父無狀為兇黨之所熒惑覆宗絕嗣其其若薺蒙全首領為幸實多豈可將叔父之命以求官賞於是俯伏流涕悲不自勝高祖為之改容曰我為汝特存璋子乃命有司罪璋正身高祖亦為安隱其事而不言尋授安開府

唐崔善為隋仁壽中為樓煩郡司戶書佐高祖時為太守甚禮遇之善為以政傾頽乃密勸進高祖深納之

武士護并州文水人家富於財頗好交結高祖初行

軍於汾晉休止其家因蒙顧接後為晉陽官留守府司鎧參軍事既而隋政日亂盜賊蜂起士護每歎息以夷難為心而恨未遇真主及高祖為太原留守甚見接待數訪以時事士護嘗詰朝於街內獨行聞空中有言曰唐公是天子士護尋聲不見有人仍以此言白高祖并進兵書高祖悅之曰勿多言兵書禁物尚能將來深識好心當同富貴耳其夜士護夢高祖乘馬上天旦以狀聞高祖大悅於是入卧内委以心腹後至荊州都督

任環仕隋仁壽中為韓城尉高祖討捕於汾晉環謁



高祖於轅門承制爲河東縣戶曹高祖將之晉陽留
隱太子建成以託於環義師起環至龍門謁見高祖
謂之曰隋氏失馭天下沸騰吾忝以外戚屬當重寄
不可坐觀時變晉陽是用武之地士馬精強今率驍
雄以佐國難卿將家子深有智謀觀吾此舉將爲濟
否環曰後王殘酷無道征役不息天下恟恟思聞拯
亂天縱神武親舉義師所下城邑秋毫無犯軍令嚴
明將士用命關中所在蜂起唯待義兵仗大順從衆
欲何憂不濟環在馮翊積年人情諳練願爲一介之
使啣命入關同州已來必當款伏於梁山舡濟直指

韓城進逼郃陽分取韓邑且蕭造文吏本無武略仰
懼威靈理當自下孫華諸賊未有適從必當相率而
至然後鼓行整衆入據永豐雖未得京城關中故已
定矣高祖曰是吾心也乃授銀青光祿大夫遣陳演
壽史大柰領步騎六千趨梁山渡河使環及薛獻爲
招慰大使高祖謂演壽曰關外之事宜與任環籌之
孫華白玄度等聞兵且至果競來降并具舟于河師
遂利涉環說下韓城縣與諸將進擊飲馬泉破之拜
左光祿大夫留守永豐倉

宇文士及仕隋爲尚輦奉御時高祖爲殿內少監士

及深自結託及隨兄化及至黎陽高祖手詔召之士
及亦潛遣家僮間道詣長安申赤心又因使密貢金
環高祖大悅謂侍臣曰我與士及素經共事今貢金
環是其來意也化及至魏縣兵威日蹙士及勸之西
歸長安兄智及不從士及乃與封倫求於濟北徵督
軍糧俄而化及爲竇建德所擒濟北豪右多勸士及
發青濟之衆北擊建德收河北之地以觀形勢士及
不納遂與封倫等來降高祖數之曰汝兄弟率思歸
之卒爲入關之計當此之時若得我父子豈肯相存
今欲何地自處士及謝曰臣之罪誠不容誅但臣早

奉龍顏久存心腹往在涿郡嘗夜中密論時事後於
汾陰宮復盡丹赤自陛下龍飛九五臣實乃心西歸
所以密申貢獻冀此贖罪耳高祖笑謂裴寂曰此人
與我言天下事至今已六七年矣公輩皆在其後時
士及妹爲昭儀有寵由是漸見親待授上儀同

唐儉父鑿與高祖有舊同領禁衛高祖於太原留守
儉與太宗周密從容進說以隋室昏亂天下可圖太
宗以白高祖乃詔入密訪時事對曰明公口角龍庭
李氏又在圖牒天下屬望非是一朝今開府庫納豪
傑北招戎狄東收燕趙長驅濟河據有秦雍海內之

權指麾可取願引達節以順羣望則湯武之業於公
不遠負鼎投竿亦先微願高祖曰湯武之事非所庶
幾今天下已亂言私則圖存語公則拯溺抑宜自愛
吾將思之後拜大將軍府簡較記室叅軍

劉義節太原人高祖之作鎮也甚接以恩意又出入
王威高君雅之門然獨歸心於高祖義兵將起威與
君雅內懷疑二義節輒探得其計以白高祖及誅威
等頗申其力

劉文靜隋末為晉陽令時高祖鎮太原文靜初觀太
宗謂裴寂曰非嘗人也大度類於漢高神武同於魏

帝其年雖少乃天縱也寂未然之於後文靜為李密
親戚被煬帝勅禁太宗陰有異心以文靜可與語遂
入禁所看之文靜大喜而感賀亦覺太宗有非嘗之
意因歎曰天下大亂非有湯武高光之才不能定也
太宗知其意潛相感動報之曰卿安知無但恐嘗人
不別耳文靜起而謝曰久知郎君乃龍潛也今既時
事如此正是騰躍之秋素稟鷹隼之資仍懷撥亂之
道此乃生人有息肩之望文靜知攀附之所矣太宗
曰今入禁所相看非兒女之情相憂而已時事如此
知君若可與言故來與君圖舉大計君能如此深副

漢懷卿志識大佳宜籌其事文靜對曰今李密長圍
雒邑主上流播淮南大賊連州郡小盜阻山澤者以
千萬數矣但須真主驅駕取之誠能應天順人舉旗
大呼則四海不足定也今并州百姓避盜賊者入此
城文靜爲令數年知其豪傑一朝嘯集立地可數萬
人尊公所領之兵復且數萬一言出口誰敢不從乘
虛入關號令天下不盈半歲帝業可成帝笑曰卿言
善合人意於是部署賓客陰圖起義計議既定候機
當發欲白高祖慮必不從欲竊發之又恐驚於高祖
於是計無所決沈吟者久之既見高祖厚於裴寂欲

因寂開說於是引寂交於太宗得通議謀及高祖被
拘太宗又遣文靜共寂進說曰易稱知幾其神乎今
大亂已作公處嫌疑之地當不賞之功何以圖全晉
陽之上士馬精銳官監之中府庫盈積以茲舉事可
立大功關中天府代王沖幼酋豪竝起未有適從願
公興兵西入以圖大事何乃拘於一介之使乎高祖
然之太宗潛結死士與文靜等協議尅日舉兵會高
祖得釋而止乃命文靜詐爲煬帝勅發太原鴈門馬
邑數郡人二十以上五十以下悉爲兵以歲暮集涿
郡將伐遼東由是人情大擾思亂者益衆文靜與裴

寂偽作符勅出宮監庫物以供留守資用募兵集衆
及義兵起以文靜為司馬勸改旗幟以章義舉後至
兵部尚書

唐憲仕隋東宮左勳衛太子廢歸太原高祖之鎮太
原也頗蒙親遇因與弟儉預義謀及大將軍府建拜
正議大夫引置左右為恩信從平宋老生破京城時
隱太子為左鎮大都督以憲為長史累遷光祿大夫
封安富縣公武德初拜為太子右虞侯卒
于百億仕隋為左翊衛高祖義旗之舉仗劍歸順授
朝請大夫

盧赤松隋末為河東令與高祖有舊聞義師至霍棄
縣迎接拜行臺兵部郎中歷位率更令封范陽郡公
盧士叡高祖與之有舊及義兵起士叡率數百人謁
高祖於汾陰令其兄子師洽論賊帥孫華應時歸附
又與劉弘基敗隋將桑顯和於飲馬泉累加右光祿
大夫

竇抗與高祖少相親狎楊玄感之反也高祖統兵隴
右言於高祖曰玄感抑為發縱矣李氏當膺圖錄可
見機而作也高祖不許隋末令於靈武巡長城伺盜
及聞高祖定京師抗對衆而忤曰此吾家妹婿也豁



達有大度真撥亂之主也因歸長安後至左武侯大將軍
田德平太原晉陽人隋末補鷹揚府正高祖留守太原引為兵大蒙任寄義師起拜銀青光祿大夫歷大將軍兵曹參軍封漁陽縣公

蘭謨仕隋為鷹揚郎將留守臨汾高祖義旗建帥所部來降授銀青光祿大夫
姜確字行本父暮從起太原官至秦隴二州刺史確自高祖義旗初舉以典籤從後歷通事舍人尚書水部二曹郎中封通川縣男

溫大雅在隋為長安縣尉以父憂去職後以天下方亂不求仕進及義兵起高祖引為記室參軍專掌文翰禪代之際與竇威參定朝儀後至禮部尚書
栢季纂隋末為祁縣長有能名及義兵起歷大將軍府騎曹參軍從平京城累以軍功位至上柱國
段綸仕隋為左親衛隱太子見而悅之妻以琅琊長公主舍高祖之舊第數聞鼓吹之音視之無所觀綸謂主曰聞圖讖李氏當王今於第內有此禎祥必而家應錄之徵也及義兵西邁綸於藍田聚結兵馬得萬餘人迎接大軍拜金紫光祿大夫領親信左右從



平京城封龍岡郡公
 黨仁弘仕隋為武勇郎將高祖起義軍次蒲坂仁弘
 招率鄉曲得二千餘兵迎謁拜銀青光祿大夫
 長孫敞隋末為左衛郎將義旗入關敞率子弟以新
 豐縣來迎高祖大悅授銀青光祿大夫尋加上柱國
 喬軌隋末為右武侍及義師渡河軌乃迎謁授通議
 大夫從平京城頗以戰功累加上柱國秦王府車騎
 將軍
 顏師古仕隋為襄州安養尉坐事免歸長安家貧以
 教授自業及高祖義兵入關師古於長春官上謁授

朝請大夫從平京城補秦府文學後至秘書監弘文
 館學士
 崔幹略隋末為醴泉縣令高祖義兵入關以縣來降
 授丞相府主簿及受禪遷黃門侍郎
 靳孝謨仕隋朝邑縣法曹及義兵濟河以蒲津中渾
 二城歸義授正議大夫
 竇軌隋末為資陽郡東曹掾去官歸于家及義兵入
 關軌聚眾千餘人迎於同州高祖見之大悅降席起
 迎握手歡笑賞錫優厚尋令收兵於渭南得眾一萬
 拜丞相諮議參軍從平京師累加光祿大夫



孫華隋末坐事逃歸山賊郭伏願侵掠馮翊及義師起高祖見華貌寢初輕之及與語大悅握手引與同坐謂之曰吾昨夜夢乘白龍以濟黃河卿將曰玄度來又具舟楫何與吾夢之相符也因拜爲光祿大夫前軍總管嘗達隋末爲隴州刺史爲降人忤仕政所劫權城中二千人叛入薛仁果達性剛烈有武藝高祖龍潛時數從征伐甚蒙深待及義兵起達在霍邑從宋老生來拒戰旣斬老生高祖謂達已死令人閱屍以求及達奉見高祖大悅因蒙任使屢有軍功

梁朱珍徐州豐人太祖起兵珍與龐師古許唐李暉丁會氏叔琮鄧季筠王武等八十餘人以中涓從摧堅陷陳所向盪決後署諸軍都指揮使龐師古曹州南華人以中涓從太祖性端愿未嘗離左右及太祖鎮汴樹置戎伍始得馬五百匹卽以師古爲偏將援陳破蔡累有戰功後至徐州節度使謝曠唐末舉進士不中第遂投跡於太祖泊居門下未嘗一日不在左右及太祖據同州遂署右職後爲宣義軍兩使留守

李振字興緒唐末爲台州刺史不克莅事因而歸過

汴求謁見太祖太祖與語大奇之辟爲從事以講武
政於是陳耕戰之計進鳩合之策尊王室以圖諸侯
獎帝道以雜霸業嫉闕寺敦儒術尚名器審刑罰於
是禮遇彌篤後至戶部尚書崇政院使
牛存節唐末勅事河陽節度使諸葛爽爽卒存節謂
同輩曰天下汹汹當擇英主事之以圖富貴遂歸於
太祖授宣義軍小將後至鄆州節度使
後唐康君立荊州興唐人世爲邊豪唐乾符中爲雲
州牙校事防禦使段文楚時群盜起河南天下將亂
代北仍歲阻饑諸部豪傑咸有嘯聚邀功之志會文

楚稍削軍人儲給戍兵咨怨君立與薛鐵山程懷信
王行審李存璋謀曰段公儒人難與共事方今四方
雲擾皇威不振丈夫不能於此時立功立事非人豪
也吾等雖權部衆然以雄勁聞於時者莫若沙陁部
落又李振武父子勇冠諸軍吾等合勢推之則代北
之地旬月可定功名富貴事無不濟也君立等乃夜
謁武皇言曰方今天下大亂天子付將臣以邊事歲
遭荒飢便削儲給我等邊人焉能守死公家父子素
以威惠及五部當共除虐帥以謝邊人孰敢異議者
武皇曰明天子在上舉事當有朝典公等勿輕議予

家遵遠在振武萬一相迫候予稟命君立等曰事機已泄遲則變生曷候千里咨稟衆回聚謀擁武皇比及雲州衆且萬人師營闕雞臺城中械文楚以應武皇之軍既收城推武皇爲大同軍防禦留後衆狀以聞後武皇授鴈門節度以君立爲左都押衙後至昭義軍節度使

蓋寓蔚州人世爲牙校武皇起雲中寓與康君立等推轂佐佑之因爲腹心武皇節制鴈門署職爲都押衙領嵐州刺史洎移鎮太原改左都押衙武皇與之決事言無不從凡出征行靡不衛從後至容館經略

使

劉彥琮雲中人唐末武皇作鎮晉陽有撥亂夷兇之志彥琮乃謁于軍門致之麾下自是從征興復王室後至邠州節度使

李承約爲山後八軍巡簡使屬劉守光因殺兄名儒宿將嘗事其父兄者多無辜被戮承約自以握兵在外心不自安時武皇召募英豪方開王業乃以所部二千騎歸於弁州卽補定霸都指揮使簡較右僕射兼貝州刺史

張遵誨父爲宗城令羅紹威殺衙軍之歲爲梁軍所

害遵誨奔太原武皇以為牙門將時朱温篡逆據有
兩京武皇與邠鳳同謀興復命遵誨知岐州留務在
岐下累年莊宗平定山東遵誨以典客從歷幽鎮二
府馬步都虞侯

張廷裕代北人幼事武皇於雲中從平黃巢討王行
瑜自行間漸升為小將莊宗定魏補天雄軍左廂馬
步都虞侯歷蔚茲隰三州刺史

曹廷隱本魏州人為本州典謁虞侯賀德綸西迎莊
宗於晉陽莊宗既得鄴城擢為馬步都虞侯軍中號
為稱職

何瓚閩人唐天祐三年登進士第謁莊宗於晉陽一
見受知辟河東推官轉留府判官

段凝開封人唐末為澠池主簿脫荷衣以事梁祖梁
祖漸器之開平三年十月自東頭供奉官授右威衛
大將軍充左軍巡使兼水北巡簡使

賈馥在鎮州幕府張文禮殺王鎔時莊宗未即尊位
文禮遣馥至鄴都勸進自留鄴下棲遲郵舍莊宗即
位授鴻臚少卿

王鎔唐末為鎮州節度莊宗征劉守光迴鎔至承天
軍與莊宗合宴同盟奉觴獻壽以申感慨莊宗以鎔



父友曲加敬異爲之聲歌鎔亦報之謂莊宗爲四十六舅飲中莊宗抽佩刀斷衿爲盟許以女妻鎔子昭誨因茲堅附于莊宗矣

孔循同光末權知汴州事會明宗自鄴都至循致餼勞軍供備充至明宗悅及定京師爲樞密使兼秘書監

晉高漢筠初仕梁爲衛州衙校後唐莊宗入魏分兵諭其屬郡漢筠以利病說衛之牧守俾送款於莊宗以漢筠爲功尋移維州都校後至左驍衛大將軍內省客使

皇甫立代北人後唐明宗刺代州署爲衙校從歷藩鎮性純謹明宗深委信之王建丘安誨策名委質皆在立後明宗踐祚以立爲忻州刺史

長從簡初仕後唐爲潁州團練使高祖舉義清泰末詔赴關克副招討使隨駕至孟津除河陽節度使時趙延壽軍敗僞王斷浮橋歸維從簡守河陽南城高祖自北而至從簡察軍情離散遂渡河迎謁焉後至左金吾衛將軍

桑維翰性明慧善詞賦後唐同光中登進士第高祖領河陽辟爲掌書記歷數鎮皆從之後至中書令

曹國珍高祖在藩時嘗通私謁以兄事之及卽位國
珍自此於嚴陵上表叙舊由是自吏部郎中拜左諫
議大夫給事中

孟承誨大名人始爲本州衙校遇高祖臨其地升爲
客將後奏爲宗城嘗山稟城三令皆有善政高祖有
天下擢爲閣門副使

周環晉陽人自高祖歷鎮藩翰用爲腹心累職至衙
門都校凡帑廩出納咸以委環經十餘年未嘗以微
累見誤高祖甚重之及卽位命權判三司事後至安
州節度使

李承福初爲高祖家臣高祖登極歷皇城武德宣徽
使左千牛大將軍

劉處讓後唐末爲左驍衛大將軍河北都轉運使高
祖舉義兵於太原處讓從至雒陽乃授宣徽北院使
劉繼勳衛州人高祖鎮鄴都時繼勳爲客將高祖愛
其端謹籍其名於帳下從歷數鎮及卽位擢爲閣門
使

漢王景崇邢州人後唐明宗之鎮邢臺景崇爲衙將
明宗以其明敏憐之自後累鎮皆自麾下明宗踐祚
擢爲通事舍人歷引進閣門使晉末遷左金吾大將

軍克街使嘗以時主用才不盡憤然不棄契丹蕭翰立許王李從益知軍國事署爲宣徽使監左藏庫蕭翰歸蕃景崇聞高祖起河東西陝幸滿乃私取庫金請行迎奉從益不能制遇高祖于河維駕至汴削其僞官授右衛大將軍任庭浩并州人業術數風雲之事晉高祖在太原重圍時高祖最爲親要庭浩以本業請見高祖甚加禮遇晉天福初庭浩授太原掾尋改交城文水令皆高祖獎薦之力也後爲殿中監翟光鄴晉末爲宣徽使時虜犯闕以後唐明宗少子

許王從益爲曹州節度使從益母淑妃王氏白於虜長以從益未諳政術請以光鄴代知州事虜從之及蕭翰推從益僭位以光鄴爲樞密使虜去光鄴以高祖進兵汾水請從益去號稱梁王仍馳表稱臣論者賞之高祖入汴加右領衛大將軍

趙暉晉開運末爲軍校以部兵屯於陝屬北戎亂華慨然有憤激之意及聞高祖建義於并門乃與部將王晏侯章戮力叶謀戮契丹僞命官屬據有陝州卽時馳騎聞於高祖高祖乃命暉爲保義軍節度陝號等州觀察處置等使高祖之幸東京出于陝暉戎服

朝於路左手控六龍達于行宮君臣之義如舊結焉
李守貞河陽人事本郡爲牙將晉高祖鎮河陽用爲
典客從數鎮皆從之及卽位累遷至省客使
聶文進并州人少給事于高祖帳下高祖鎮太原甚
見委用職至兵馬押司官高祖入汴授樞密院承旨
歷領軍屯衛大將軍遷右領軍大將軍并仍舊職
閻晉卿沂州人少仕并州歷職至客將高祖在鎮頗
見信用後歷閣門使判四方館事

郭允明父徽柔爲河東制置使徽柔被誅允明遂爲
高祖廝養服勤旣久頗得高祖之歡心高祖鎮太原
稍歷牙職及卽位累遷至翰林茶酒使兼鞍轡庫使
周史彥超漢末爲龍棲都指揮使太祖之赴內難彥
超以本軍從後至鄭州防禦使

李彥碩字德修本以商賈爲業太祖鎮業寘之左右
及卽位歷綾綿副使推場使

陳光穗爲鄴都副留守廣順中高祖賜詔書曰汝澶
淵倅職之時值漢室釁生之際潛齎密旨將陷朕躬
神色不祐於苞藏機事尋當於發露汝稟勲賢之指
使効奔走之勤勞徑自河壩報於鄴下忠孝之規迥
著旌酌之道未弘每懽朕懷仍宣公論宜膺列郡用

賞前功今授汝博州刺史

賞前功今授汝博州刺史... 册府元龜... 攀附二... 卷之七百六十六... 册府元龜... 攀附二... 卷之七百六十六... 册府元龜... 攀附二... 卷之七百六十六...

册府元龜

淮南李嗣京叅閱

西極文翔鳳訂正

豫章黃國琦較釋

總錄部

儒學

周官著師儒之訓太史公論儒者之要始於博習經藝之文祖述堯禹之道其後分而為六家蔓而成九種至於憲章仁義順陰陽明天道宣教化正人倫以致乎至治固異端之不能奪也春秋之世施及戰國

聖師云沒微言誕布學者間出素風益邵雖復遭坑
焚之變而鄒魯之俗弦誦無改大漢龍興罷出百家
表章經術建立學宮有以祿利修復費較風以德化
傳受彌廣藝文不墜蓋西京之士彬彬矣中興崇學
於茲爲盛魏晉以降未之或替豈不以六君子之訓
四術之教乃百王之所取法千古所不易者也今悉
其志學成業顯名於世者著於篇
倚相楚人爲左史能讀三墳五典八索九丘卽上世
帝王遺書也

孔子魯人爲兒嬉戲嘗陳俎豆設禮容其後適周問
禮蓋見老子時周室微而禮樂廢詩書缺追迹三代
之禮序書傳上紀唐虞之際下至秦繆編次其事故
書傳紀自孔子古者詩三千餘篇及至孔子去其重
取可施於禮義上采契后稷中述殷周之盛至幽厲
之缺始於衽席故曰關雎之亂以爲風始鹿鳴爲小
雅始文王爲大雅始清廟爲頌始三百五篇孔子皆
弦歌之以求合韶武雅頌之音禮樂自此可得述以
備王道成六藝孔子晚喜易序彖繫象說卦文言讀
易韋編三絕曰假我數年若是我於易則彬彬矣孔
子以詩書禮樂教弟子蓋三千焉身通六藝者七十

有二人孔子嘗為魯司寇孔子卒後七十子之徒散
 游諸侯大者為師傅卿相小者友教士大夫或隱而
 不見故子路居衛按仲尼弟子列傳子路死於衛時孔子尚存子張居陳
 澹臺子羽居楚子夏居西河子貢終於齊如田子方
 段干木吳起禽滑釐之屬皆受業於子夏之倫為王
 者師是時獨魏文侯好學後凌遲以至於始皇天下於戰國儒術既絀焉然齊魯之間學者獨不廢也
 孟軻鄒人生有淑質夙喪其父幼被慈母三遷之教
 長師孔子之孫子思知儒術之道通五經尤長於詩
 書

荀卿趙人與孟子咸遵夫子之業而潤色之以學顯
 於當世嫉濁世之政亡國亂君相屬不遂大道而營
 於巫祝信機祥鄙儒小拘如莊周等又滑稽亂俗於
 是推儒墨道德之行事興懷序列著數萬言荀卿在
 齊三為祭酒後適楚為蘭陵令而卒於蘭陵
 漢叔孫通一云名何薛人秦時以文學徵待詔博士高祖
 初為漢王復拜為博士漢五年已并天下諸侯共尊
 漢王為皇帝叔孫通使徵魯諸生三十餘人與其弟
 子百餘人共起朝儀事具掌禮制禮門乃拜為太嘗賜金五
 百斤叔孫通因進曰諸弟子儒生隨臣久矣與共為



儀願陛下官之高帝悉以爲郎
申培公魯人以詩經爲訓高祖過魯申公以弟子從
師入見高祖於魯南宮後官至大中大夫
伏勝濟南人故爲秦博士文帝時欲求能治尚書者
天下無有乃聞伏生能治歆召之是時伏生年九十
餘老不能行於是乃詔太嘗使掌故朝錯往受之
賈誼雒陽人年十八以能誦詩書屬文稱於郡中河
南太守吳公徵爲廷尉言誼少通諸家之書文帝召
爲博士修春秋左氏傳爲傳訓終於梁王傳
董仲舒廣川人少治春秋景帝時爲博士通五經能

持論善屬文漢興至于五世之間唯仲舒爲明於春
秋其傳公羊氏也

胡毋生字子都齊人治公羊春秋景帝時爲博士齊
之言春秋者多受胡毋生

轅固生齊人以治詩景帝時爲博士

毛公趙人治詩爲河間獻王博士
戴德字延君號大戴爲信都太傅

公孫弘菑州薛人學春秋雜說武帝初卽位招賢良
文學士是時弘年六十以賢良徵爲博士

兒寬千乘人治尚書有俊材初見武帝語經學帝曰

吾始以尚書爲樸學弗好其聞寬說可觀乃從寬問
一篇位至御史大夫
丘壽王武帝時召待詔詔使從中大夫董仲舒受春
秋高材通明遷爲侍中
馮野王通詩以父任爲太子中庶子
龔遂以明經爲昌邑郎中令
夏侯始昌魯人通五經以齊詩尚書教授自董仲舒
韓嬰死後武帝得始昌甚重之時昌邑王以少子受
上爲選師始昌爲太傅

張禹至長安學從沛郡施仇受易琅邪王陽膠東庸

生問論語既皆明習有徒衆舉爲郡文學

韓嬰燕人爲嘗山王太傅推詩人之意作外傳數萬

言武帝時與董仲舒論於帝前其人精悍處事分明

悍勇仲舒不能難也

榮廣受穀梁先是公羊大興穀梁寢微廣高材捷敏

與公羊大眭孟等論數困之故好學者頗復受穀梁

蔡千秋字少君宣帝卽位聞衛太子好穀梁春秋以

問丞相韋賢長信少府夏侯勝及侍中樂陵侯使高

皆魯人也言穀梁子本魯經公羊氏乃廢學也宜興

穀梁時千秋爲郎召見於公羊家竝說帝善穀梁說

擢千秋為諫大夫給事中

韋玄成宣帝時為淮陽王中尉王未就國玄成受詔與太子太傅蕭望之及五經諸儒雜論同異於石渠閣條奏其對

劉向時為諫大夫以僞鑄黃金減死論會初立穀梁春秋徵更生受穀梁講論五經於石渠

施讐為博士甘露中與五經諸儒雜論同異於石渠

閣石渠閣在未央殿北以藏秘書

梁丘臨為黃門郎甘露中奉使問諸儒於石渠臨學精熟專行京房法瑯邪王吉通五經聞臨說善之

聞人通漢子方

聞人姓也名通漢字子方

以太子舍人論石渠

戴聖以博士論石渠

夏侯勝亦以儒顯名為學精熟善說禮服徵為博士

后蒼字近君東海剡人專事夏侯始昌始昌通五經蒼亦通詩禮為博士

周堪字少卿齊人與孔霸俱事大夏侯勝霸為博士

堪譯官令論於石渠經為最高

張山拊字長賓平陵人事小夏侯建為博士論石渠

張無故字子儒山陽人事山拊受尚書善修章句為

廣陵太傅

冊府元龜 總錄

卷之七百六十七

六

孔安國字子國孔子之後孔氏有古文尚書安國以今文字讀之因以起其家逸書得十餘篇蓋尚書茲多於是矣以安國為諫大夫

韋賢為人質朴欲篤志於學兼通禮尚書以詩教受號稱鄒魯太儒為丞相薨子玄成復以明經歷位至丞相故鄒魯諺曰遺子黃金滿籬不如一經

康衡字稚圭父世農夫至衡好學家貧庸作以供資

用尤精力過絕人諸儒為之語曰無說詩衡鼎來鼎

言嘗也言衡且來也賈誼云衡語詩解人願衡後位

至丞相

天子春秋鼎盛其義亦同

衡語詩解人願衡後位

嚴彭祖與顏安樂俱事陸孟孟弟子百餘人惟彭祖

安樂為明由是公羊春秋有顏廢學彭祖為宣帝博

士

翼奉字少君東海下邳人治齊詩與蕭望之康衡同

師三人經術皆明元帝初即位諸儒薦之徵待詔官

者署後以中郎為博士諫大夫卒

師丹字仲公治詩舉孝廉為郎元帝末為博士免建

始中州舉茂材復補博士

翟方進為小吏心厭之聞蔡父言當以經術封侯心

喜因病歸家辭其後母欲西至京師受經母憐其幼

隨之長安織屨以給方進讀經博士受春秋積十餘年經學明習徒衆日廣諸儒稱之以射策甲科爲郎位至丞相

徐敖治詩授于九江陳俠爲王莽講學大夫由是言毛詩者本之徐敖

谷永於經書尤爲疏達與杜欽杜鄴畧等不能洽浹如劉向父子及揚雄也其於天官京氏易最密位至大司農

梅福字子真九江壽春人少學長安明尚書穀梁春秋爲郡文學後爲南昌尉

揚雄字子雲少而好學不爲章句訓詁通而博覽無所不見位至大夫

後漢卓茂字子康南陽宛人元帝時於長安事博士

江生習詩禮及歷筭究極師法稱爲通儒

賈逵父徽從劉歆受左氏春秋兼習國語周官又受

古文尚書於徐揮學毛詩於謝曼卿作左氏條列二

十一篇

桓譚博學多通徧習五經皆訓詁大義不爲章句能文章尤好古學數從劉歆揚雄辨折疑異譚後官至六安郡丞

張玄字君夏少習春秋嚴氏兼通數家法建武初舉明經補弘農文學

丁恭字子然習公羊顏氏春秋學義精明建武初為諫議大夫博士

牟長字君高樂安臨濟人少習歐陽尚書不仕王莽將建武初大司空宋弘特辟拜博士

魏應字君伯少好學建武初詣博士受業習魯詩閉門誦習不交僚黨京師稱之應終騎都尉

注丹字子玉世傳孟氏易建武初為博士丹學義研深易家宗之稱為大儒

杜林少好學沈深父鄴為梁州刺史家既多書又外

氏張竦父子喜文采鄴少孤其母張敬女也鄴從敬子吉學得其家書竦即吉之子

博學文雅林從竦受學博洽多聞時稱通儒王莽敗

避難客河西建武六年光武聞林已還三輔乃徵拜侍御史引見問以經書故舊及西州事甚悅之賜車

馬衣被群僚知林以名德用甚尊憚之京師士大夫咸推其博洽河南鄭興東海衛宏等皆長於古學興

嘗師事劉歆林既遇之欣然言曰林得興等固諧矣使宏得林且有以益之宏見林闢然而服濟南徐巡

始師事宏後皆更受林學林前於西州得漆書古文



尚書一卷嘗寶愛之雖遭艱困極時不離身出以示
 宏等曰林流離兵亂嘗恐斯經將絕何意東海衛子
 濟南徐生復能傳之世道竟不墜於地也古文雖不
 合時務然願諸生無悔所學巡益重之於是古文遂
 行位至大司空
 任安字定祖少遊大學受孟氏易兼通數經除博士
 公車徵皆稱疾不就
 甄宇字長文北海安丘人習顏氏春秋建武中為州
 從事徵拜博士
 包咸子良少為諸生受業長安師事博士右師綱君

姓右
 師 習魯詩論語舉孝廉為郎建武中入授皇太子

論語又為其章句

劉寬少學二陽尚書京氏易尤明韓詩外傳稱為通
 儒入為光祿勳卒

揚政字子行京兆人少好學從代郡范升受梁丘易
 善說經書京師為之語曰說經鏗鏗揚子卿終於左

中郎將

戴憑字次仲習京氏易年十六舉明經徵試博士
 鍾興少從少府丁恭受嚴氏春秋恭薦興學行高明
 光武召見問以經義應對甚明帝善之位至左中郎

將卒

張玄少習春秋顏氏後舉孝廉爲郎會顏氏博士缺
玄試策第一拜爲博士居數日諸生上言玄兼說嚴
氏宣氏不宜專爲顏氏博士光武且令還署未及遷
而卒

董鈞字文伯捷爲資中人習慶氏禮事大鴻臚王臨
永平初爲博士當世稱爲通儒

衛宏字敬仲東海人少與河南鄭興俱好古學初九
江謝曼卿精毛詩宏從曼卿受學後從大司空杜林
更受古文尚書時濟南徐巡師事宏後從林受學亦

以儒顯由是古學大興光武以爲議郎

周防字偉公師事徐州刺史蓋豫受古文尚書經明
舉孝廉拜郎中太尉張禹薦補博士

揚倫字仲理少爲諸生師事司徒丁鴻習古文尚書
爲郡文學掾後特徵博士

李育字元春扶風漆人少習公羊春秋沈思專精博
覽書傳知名大學後爲侍中卒於官

何休字少公任城樊人精研六經世儒無及者位至
諫議大夫

謝該字文儀南陽章陵人善明春秋左氏爲世明儒

後拜儀郎以壽終

周燮十歲通詩論及長專精禮易徵之不就

陳元父欽習左氏春秋事黎陽賈護與劉歆同時而

別自名元父欽字子侯以左氏授王莽自名陳氏春秋後辟司徒歐陽歛府

以病去卒

鄭衆字仲師年十二從父興受左氏春秋精力於學

明三說歷庶通易詩知名於世位至大長秋封鄭鄉

侯卒

承官少勤學不倦經典既明歸家教授三府更辟皆

不應永平中徵詣公車車駕臨辟雍召官拜博士

侯霸篤志好學師事九江太守房元治穀梁春秋為

元都講又從鍾寧君受律位至大司徒

鄭興少學公羊春秋晚善左氏傳遂積精深思通達

其旨同學者皆師之興從博士金子嚴為左氏春秋後為連勺令以

事免卒

魯恭始為郡吏大博趙熹聞而辟之章帝集諸儒於

白虎觀恭特以經明得召與其議後位至司空

王渙敦儒學術尚書讀律令略舉大義官至雒陽令

卒

周舉字宣光姿貌短陋而博學洽聞為儒者所宗故



京師為之語曰五經從橫周宣光終於光祿大夫
井丹字大春少受業太學通五經善談論故京師為
之語曰五經紛綸井大春性清高沛王輔等五王更
請皆不能致

尹敏少為諸生初習歐陽尚書後受古文兼善毛詩
穀梁左氏春秋後為諫議大夫卒

許慎字叔仲性淳篤少博學經籍馬融嘗推敬之時
人為之語曰五經無雙許叔仲卒於徐陵長

汝音侯
交反

蔡玄字叔陵學通五經徵辟竝不就順帝時詔徵拜
議郎講論五經異同甚合帝意遷侍中出為弘農太

守卒于官

宗資少在京師學孟氏易歐陽尚書

揚震字伯起少好學受歐陽尚書於太嘗桓郁明經

博覽無不窮究諸儒為之語曰關西孔子揚伯起位

至太尉

趙畢詣杜撫受韓詩究竟其術作詩細歷神淵蔡邕

至會稽讀詩細而歎息以為長於論衡邕還京師傳

之學者咸誦習焉

張訓字子雋濟陰定陶人少游太學能誦春秋左氏

傳以大夏侯尚書教授辟公府舉高第拜議郎與蔡

邕共奏定六經文學擢拜侍中典領秘書近署
魏樂詳字文載少好學善左氏傳杜畿爲太守亦甚
好學署詳文學祭酒使教後進於是河東學業大興
至黃初中徵拜博士于時太學初立有博士十餘人
學多褊狹又不熟悉略不親教備員而已惟詳五業
竝授其或難教質而不解詳無愠色以杖畫地牽譬
引領至忘寢食以是獨擅名於遠近
孫資字彥博講業太學博覽傳記同郡王允一見而
竒之
董遇及賈洪邨郅淳薛夏隗禧蘇林樂詳等七人爲

儒宗

王基爲中書侍郎時散騎嘗侍王肅著諸經傳解及
論定朝儀改易鄭玄舊說而基據持玄義嘗與抗衡
蜀許慈字仁篤師事劉禧善鄭氏學治易尚書三禮
毛詩論語慈終於大長秋

譙周字允南爲光祿大夫周雖不與政事以儒行見
禮時訪大議輒據經以對而後生好事者亦咨問所
疑焉

來敏字敬達涉獵書籍善左氏春秋先主定益州署
敏典教較尉

廖扶習韓詩歐陽尚書教授嘗數百人不應辟召時號北郭先生二子孟舉竝知名

張喬字君嗣治公羊春秋涉經史位至輔漢將軍

文立字廣林少治毛詩三禮兼通群書

伍梁字德山以儒學節操稱從議郎遷諫議大夫五官中郎將

向朗字巨達領丞相長史初朗少時雖涉獵文學然不治素簡以史能見稱自去長史優游無事垂三十年乃更潛心典籍孜孜不倦開門接賓誘納後進但講論古義不干時事以是見稱上自執政下及童冠

皆敬重焉後以功封顯名亭侯位特進卒

吳張昭字子布彭城人少好學從白侯子安受左氏

春秋博覽衆書位至輔吳將軍

諸葛瑾字子瑜少游京師治毛詩尚書左氏春秋後拜大將軍左都護領豫州牧

關澤字德潤爲太子太傅領中書每朝廷大議經典所疑輒諮訪之以儒學勤勞封都鄉侯

張紘字子綱廣陵人少游學京都紘入太學事博士韓宗治京氏易歐陽尚書又於外黃從濮陽闔受韓

詩及禮記左氏春秋后曹公以紘爲會稽東部都尉

孫權以爲長史卒

劉游舉孝廉爲郎中祖父本師受經傳學群書號爲通儒舉賢良方正爲般長卒官伯父寵字祖榮受文業以經明行修舉孝廉光祿大夫察四行除東平陵令

程秉字德樞事鄭玄后避亂交州與劉熙考論大議遂博通五經士燮命爲長史孫權聞其名儒以禮徵秉旣到拜太子太傅嚴略字曼才少耽學善詩書三禮又好學文終於尚書令

沈珩字仲山吳郡人少綜經藝尤善春秋內外傳

晉何嵩字泰基寬弘愛士博觀墳籍尤善史漢少歷清官領著作郎

閻纘字續伯僑居河南新安少游英豪多所交結博覽墳典該通物理纘位至漢中太守

杜預爲春秋左氏傳集解時王濟解相馬又甚愛之而和矯頗聚歛預嘗稱濟有馬癖矯有錢癖武帝聞之謂預曰卿有何癖曰臣有左傳癖

侯使光儒博學古歷官著續文華奏議皆有條理後終於少府

范甯爲中書侍郎時更營新廟博求辟雍明堂之制
甯據經傳奏上皆有典證孝武帝雅好文學甚被親
愛朝廷疑議輒諮訪之
摯虞字仲治京兆長安人少事皇甫謐才學通博著
述不倦歷官至太常卿
戴若思弟邈字望之少好學尤精史漢才不逮若思
儒學過之弱冠舉秀才位至尚書僕射
范平字子安吳郡錢塘人研覽墳索初仕吳爲臨海
太守謝病還家敦悅儒學三子夔咸泉竝以儒學至
大官

杜夷字行齊廬江瀟人世以儒學稱永嘉初公車徵
拜博士不就

徐苗字仲胄高密淳于人累世相承皆以博士爲郡
守

范弘之字長文雅正好學以儒術皆明爲太學博士
王歡字君厚樂陵人安貧樂道專精耽學遂爲通儒
嗣後慕容暉襲號署官至祭酒

王隱以儒素自守不交勢援博學多聞受父遺業西
都舊事多所諳究隱後爲著作郎賜爵平陵鄉侯
袁亮字貞固有學行亮子粲文學博識累爲儒官

涼茂字伯方少好學論議嘗據經典以處是非茂終
 於太子太傅...
 康峻歷郡功曹舉計椽州辟從事太嘗鄭袤見峻大
 奇之舉為博士時重莊老而輕經史峻懼雅道陵遲
 乃潛心儒典...
 郗鑒字道徽少孤貧博覽經籍躬耕隴畝吟詠不倦
 以儒雅著名不應州命
 陳邵字節良東海襄賁人郡察孝廉不就以儒顯徵
 為陳留內史累遷燕王師
 董景道字文博明春秋三傳京氏易馬氏尚書韓詩

皆精究大義三禮之義專遵鄭氏著禮通論非駁諸
 儒演廣鄭旨至劉曜時徵為散騎嘗侍固辭遂以壽
 終
 庾乘遊學官為諸生備後能講論自以卑等每處下
 坐諸生博士皆就讐問由是學中以下坐為貴
 范宣雖閑居屢空嘗以講論為業譙國戴逵等皆聞
 風宗仰自遠而至諷讀之聲有若齊魯後詔徵為太
 學博士散騎郎並不就
 華虞都督河北諸軍事坐事免官削爵土棲遲家巷
 垂十載教誨子孫講誦經典集經書要事名曰善文

冊府元龜 儒學

行於世

姜龕天水人姚興時與東平淳于岐馮翊郭高等皆
耆儒碩德經明行修各門徒數百教授長安諸生自
遠而至者數千人興每於聽政之暇引龕等于東堂
講論道藝錯綜明理涼州胡辨符堅之末東徙雒陽
教授弟子百餘人關中後進多赴之講業興勅關尉
曰諸生諮訪道義修己厲行往來出入勿拘嘗限於
是學者咸勸儒風盛焉

冊府元龜

